

mantra puṣpam

yo'pāṃ puṣpaṃ veda' puṣpa'vān prajāvā'n paśumān bha'vati |
 candramā vā apāṃ puṣpam'' | puṣpa'vān prajāvā'n paśumān bha'vati
 | ya evaṃ veda' | yopāmāyata'naṃ veda' | āyatana'vān bhavati |

agnirvā apāmāyata'nam | āyata'navān bhavati | yo'gnerāyata'naṃ
 veda' | āyata'navān bhavati | āpovā agnerāyata'nam | āyata'navān
 bhavati | ya evaṃ veda' | yo'pāmāyata'naṃ veda' | āyata'navān
 bhavati |

vāyurvā apāmāyata'nam | āyata'navān bhavati | yo vāyorāyata'naṃ
 veda' | āyata'navān bhavati | āpo vai vāyorāyata'nam | āyata'navān
 bhavati | ya evaṃ veda' | yo'pāmāyata'naṃ veda' | āyata'navān
 bhavati |

asau vai tapa'nnapāmāyata'nam āyata'navān bhavati |
 yo'muṣyatapa'ta āyata'naṃ veda' | āyata'navān bhavati | āpo' vā
 amuṣyatapa'ta āyata'nam lāyata'navān bhavati | ya evaṃ veda' |
 yo'pāmāyata'naṃ veda' | āyata'navān bhavati |

candramā vā apāmāyata'nam | āyata'navān bhavati | yaḥ candrama'sa
 āyata'naṃ veda' | āyata'navān bhavati | āpo vai candrama'sa
 āyata'naṃ | āyata'navān bhavati | ya evaṃ veda' | yo'pāmāyata'naṃ

veda' | āyata'navān bhavati |

nakṣtra'trāṇi vā apāmāyata'nam | āyata'navān bhavati | yo
nakṣtra'trāṇāmāyata'nam veda' | āyata'navān bhavati | āpo vai
nakṣa'trāṇāmāyata'nam | āyata'navān bhavati | ya evaṃ veda' |
yo'pāmāyata'nam veda' | āyata'navān bhavati |

parjanyo vā apāmāyata'nam | āyata'navān bhavati | yaḥ
parjanya'syāyata'nam veda' | āyata'navān bhavati | āpo vai
parjanya'syāyata'nam | āyata'navān bhavati | ya evaṃ veda' |
yo'pāmāyata'nam veda' | āyata'navān bhavati |

saṃvatsaro vā apāmāyata'nam | āyata'navān bhavati | yaḥ
sa'mvatsarasyāyata'nam veda' | āyata'navān bhavati | āpo vai
sa'mvatsarasyāyata'nam veda' | āyata'navān bhavati | ya evaṃ veda'
| yo'psu nāvaṃ prati'sṭhitāṃ veda' | pratyeva ti'sṭhati |

oṃ rājādhirājāya' prasahya sāhine'' | namo' vayaṃ vai''śravaṇāya'
kurmahe | sa me kāmān kāmā kāmā'ya mahyam'' | kāmeśvaro
vai''śravaṇo da'dātu | kuberāya' vaiśravaṇāya' | mahārājāya nama'h |

o'm tadbrahma | o'm tadvāyuḥ | o'm tadātmā |
o'm tadsatyam | o'm tatsarvam'' | o'm tat-puornamaḥ ||

antaścācati bhūteṣu guhāyāṃ viśvamūrtiṣu

tvam yaññastvam vaṣaṭkārastva-mindrastvagm
 rudrastvam viṣṇustvam brahmatva'm prajāpatiḥ |
 tvam tadāpa āpo jyotīrasomṛtaḥ brahma bhūrbhuvassuvarom |

īśānassarva vidyānāmīśvara ssarvabhūtānām
 brahmādhipatir-brahmaṇodhipatir-brahmā śivo me astu sadā śivom |

tadviṣṇoḥ paramam padagm sadā paśyanti
 sūrayaḥ divīvacakṣu rātataḥ tadvi prāso
 vipasyavo jāgrhān satsamindhate
 tadviṣṇorya-tparamam padam |

ṛtagm satyam pa'ram brahma puruṣa'm kṛṣṇapiṅga'lam |
 ūrdhvare'tam vi'rūpā'kṣam viśvarū'pāya vai namo nama'ḥ ||

oṃ nārāyaṇāya' vidmahe' vāsudevāya' dhīmahi |
 tanno' viṣṇuḥ pracodayā't ||

oṃ sāṃtiḥ sāṃtiḥ sānti'ḥ |

Web Url: <http://www.vignanam.org/veda/mantra-pushpam-english.html>